



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus LIX. De Dominica XXII. post Pentecosten, ac Ferijs eam
Subsequentibus.

urn:nbn:de:hbz:466:1-39937

peditos, nam etiam tale Semiduplex post unam, aut etiam plures quandoque Octavas transferri debet. Vide dicta Dominicâ III. post Pentec: & Dominicâ I. Augusti: quæ, sive fiat *Officium de Festo*, sive de *Dominica*, in hisce Dominicis post Pentec: semper sunt præ oculis habenda, eisque utrorumlibet *Officia* cum suis *Missis* conformanda. Quia tamen circa DOMINICAM XXII. post Pentec: ac reliquas deinceps usque ad Adventum insuper nonnulla alia specialia, ac ipsis propria veniunt observanda, ideo de illis sub propriis earum Titulis paulò post ex instituto dicitur, quid circa illas insuper præter jam dicta sit observandum.

Ad FERIAS infra Hebdomadam XII. ac reliquas post Pentec: occurrentes quod attinet, tam *Officia*, quam *Missæ*, infra unamquamque Hebdomadam dicenda, eò proportionaliter modò in ijs sunt ordinanda, quò suprà Hebdomadâ III. post Pentecosten, eundo per singulas illius Hebdomadæ Ferias, ad longum à nobis fuit declaratum; nec modò ibi dicta circa singulas *Ferias* (sive de ijs,

sive de *Festis* fiat *Officium*) infra haec quoque Hebdomadas diligenter sunt observanda, sed etiam illa, quæ in *Dominicis*, ac *Hebdomadis* uniuscujusque Mensis à Dominica I. Augusti usque ad Dominicam I. Adventus, circa *Vigilias*, ac *Ferias* 4. *Temporum*, nec non circa primò ponenda *Initia Librorum Sac. Scriptura*, & *Responsoria nondum posita*, aliæque similia peculiariter superius annotantur: nominatim verò curandum, ut, quæ Rubricæ Breviarij, ac Missalis de dicendo hoc Tempore in Choro primâ cujusque Mensis *Die*, non impeditâ Festò 9. *Lectionum*, *Officiò Defunctorum*, unâ cum *pridianis* eorumdem *Vesperis*, nec non de dicenda *Missâ principalis* generaliter pro Defunctis tum *primâ die Mensis* similiter non impeditâ, tum etiam quâvis *Feriâ* II. in qua fit de *Feria* (cum certis tamen limitationibus, ac exceptionibus) uti & de dicenda in Missis alijs *Oratione Fidelium* præscribunt: id quod pariter pluribus suprà *Tit. V.* à fol. 22. & *Tit. 33.* à fol. 217. *Feria* II. infra Hebdomadam III. post Pentec: reperies declaratum.

TITULUS LIX.

De Dominica XXII. post Pentecosten, ac Ferijs eam Subsequentibus.

DOMICINÂ XXII. post Pentec: ac Ferijs eam subsequentibus, omnia, tam quoad *Officia*, quam quoad *Missas*, sunt ac dicuntur ad
M m Nor-

Normam præcedentium Dominicarum post Pentec: observando ea, quæ Dominicâ, ac Hebdomadâ III. post Pentecosten, nec non paulò antè Titulo proximè præcedente in medium sunt allata: unum tamen quoad *hanc Dominicam* specialiter monendum occurrit; quòd scil. quando hæc Dominica incidit in *Festum S. Martini* Episc: ac Conf: (uti factum 1696.) vel in *Diem*, quò ex præcepto Superioris Ecclesiastici dicenda est, pro publica v. g. necessitate, Oratio: *DEUS Refugium &c.*, in priori Casu in *Missâ* de S. Martino, habente eandem Secretam cum Dominica XXII. simul occurrente, & exigente sui Commemorationem in *Missâ* de Festo duplici, Oratio Secreta pro Dominica XXII. sumenda sit ex *Missâ* Dominicæ XXIII. post Pentec: in posteriori autem casu, quò dicta Dominica, aut etiam simul *Festum S. Martini* incidit in tempus, quò dicenda etiam esset Oratio: *DEUS Refugium*, locò hujus Orationis dicenda sit cum correspondente sibi *Secreta*, ac *Postcommunione* Oratio eam proximè sequens, pro *quacunquè Tribulatione* inter

Orationes ad diversa sub hoc Titulo posita in *Missâ*, ac ità incipiente *Ne despicias omnipotens DEUS &c.*: quæ enim Oratio *Missæ* Dominicæ XXII. post Pentec: non est diversa ob Oratione *DEUS Refugium*, & correspondens huic *Secreta*, ac *Postcommunione* etiam illa ipsa *Secreta*, & *Postcommunio*, quam habet illa Dominica, ibi juxta Rubricam Gen. VII. *Missæ* n. 8. posterior Oratio (idem est Oratione *Secreta*, & de Oratione pro *Communione*) commutanda est etiam alia diversa, & quidem eâ, quam dicitur in utroque casu, ut ex cit: Rubr. Tit. I. P. I. Tit. 7. n. 8. Lit. Q. probat. *Gen. VII. n. 8. Lit. Q.* Si Dominica post Pentec: fuerint solummodo viginti tres, tunc locò Dominicæ sequentis vigesima tertiæ (hoc est ultimæ illius anni) ponitur eâ Dominicâ *Officium* in *Missâ* Dominicæ XXIV. *Officium* autem Dominicæ XXIII. cum sua *Missâ* ponitur in Sabbato præcedente non impedito Festo 9. *Lectio* autem alioqui Feriâ VI. vel, si etiam hæc sit impedita, tunc alia proximè anteriori, infra hanc tamen Hebdomadam, Modò ac Ritu mox referendâ

TITULUS LX.

De Dominica XXIII. post Pentecosten.

SI Dominica XXIII. non fuerit ultima post Pentecosten, tunc *Officium* ac *Missâ* sicut in ea, & de ea eòdem omnino proportionatè modò ac Ritu, quò in Dominicis præcedentibus post Pentecosten; *Gen. VII. n. 8. Lit. Q.*